

# NOS MINISTERIO DI REINO

## MAART 2013

### SIMAN DI 11 DI MAART

Cantica 68 y Oracion

#### □ Estudio di Bijbel di Congregacion:

Iv cap. 7 §1-9, cuadronan na pag. 76, 78  
(30 min.)

#### □ Scol di Ministerio Teocratico:

**Lesamento di Bijbel:** Marco 13:16 (10 min.)

**Num. 1:** Marco 14:22-42 (4 min. of menos)

**Num. 2:** Dicon Ta Importante pa Celebra Memorial?—rs-S pag. 83 §1—pag. 84 §1 (5 min.)

**Num. 3:** Kico e Emblemanan di Memorial Ta Representa?—rs-S pag. 84 §2-3 (5 min.)

#### □ Reunion di Sribishi:

Cantica 109

**10 min:** Kico Nos Ta Siña for di Mateo 10: 7-10 y Lucas 10:1-4? Discurso cu participacion. Laga un ruman lesa e textonan. Despues, analisa con e relatonan aki por yuda nos den nos sribishi.

**10 min:** Maneranan pa Expande Bo Ministerio—Parti 1. Discurso cu participacion basariba e buki *Organisa*, pagina 111, paragraf 1 te cu pagina 112, paragraf 2. Entrevista un of dos publicador cu a cambia di congregacion of cu a siña un otro idioma pa por amplia nan ministerio. Ki obstaculo nan tabatin cu supera? Con nan famia of congregacion a yuda nan? Ki bendicion nan a ricibi?

**10 min:** “Prepara pa Memorial cu un Curason Gososo.” Pregunta y contesta. Repasa e preparacionnan cu e congregacion ta haciendo pa Memorial. Menciona con ta bayendo cu e campana di invitacion.

Cantica 8 y Oracion

### Prepara pa Memorial cu un Curason Gososo

<sup>1</sup> E Memorial riba diamars 26 di maart ta duna nos un bon oportunidad pa alegra den e medio cu Dios a uza pa nos salvacion. (Isa. 61:10) Pero si nos demostra e goso ey hasta

1. E temporada di Memorial ta un bon ocasion pa haci kico?

den e dianan prome cu Memorial, nos lo ta mihor prepara p'e ocasion. Con nos por prepara?

<sup>2</sup> **Prepara pa e Memorial:** E Cena di Señor ta un ocasion serio pero toch simpel. No obstante, ta importante pa plania adelanta pa no pasa ningun detaye por halto. (Prov. 21:5) Mester scoge un ora y sitio adecuado, busca e pan y e biña apropiada y limpia y prepara e luga di reunion. Ademas, e orador asigna tin cu prepara bon, y tanto e ushernan como e rumannan cu ta pasa e pan y e biña mester sa exactamente kico nan tin cu haci. Sin duda, mayoria di e cosnan aki ta cla caba. Nos gratitud p'e sacrificio di rescate cu lo salba nos ta motiva nos pa prepara bon pa e ocasion sagrado aki.—1 Ped. 1:8, 9.

<sup>3</sup> **Prepara Nos Curason:** Ta importante tambe pa nos prepara nos curason pa comprende e nificacion di Memorial. (Esd. 7:10, NW) Pa logra esaki, nos mester tuma tempo pa analisa e porcion di Bijbel pa e temporada di Memorial, anto reflexiona riba e ultimo dianan di Hesus su bida riba tera. Ora nos medita riba e spirito di sacrificio propio cu Hesus a manifesta, nos lo sinti nos motivia pa imit'e.—Gal. 2:20.

<sup>4</sup> E morto di Cristo ta demostra cu Jehova tin derecho di goberna como Soberano di universo. E ta libra nos di pica y morto. (1 Juan 2:2) E ta habri caminda pa nos por tin un bon relacion cu Dios y tambe haya bida eterno. (Col. 1:21, 22) E ta yuda nos tambe pa keda determina pa cumpli cu nos dedicacion na Jehova y sigui e ehempel di Cristo fielmente. (Mat. 16:24) Ora bo prepara pa e binidero Memorial y asisti na dje, lo bo sinti un goso mas grandi ainda!

2. Kico ta motiva nos pa prepara pa Memorial?
3. Con nos por prepara nos curason pa e Cena di Señor?
4. Cua di e benefician di e rescate ta duna bo mas goso?

## SIMAN DI 18 DI MAART

Cantica 120 y Oracion

### Estudio di Bibbel di Congregacion:

Iv cap. 7 §10-19, cuadro na pag. 81 (30 min.)

### Scol di Ministerio Teocratico:

**Lesamento di Bibbel:** Lucas 1-3 (10 min.)

**Num. 1:** Lucas 1:24-45 (4 min. of menos)

**Num. 2:** Ken Mester Tuma di e Pan y e Biña na e Cena di Señor?—rs-S pag. 84 §5—pag. 85 §1 (5 min.)

**Num. 3:** Cuanto Biahá Mester Celebra e Memorial, y Riba Ki Dia?—rs-S pag. 86 §1-2 (5 min.)

### Reunion di Sirbishi:

Cantica 118

**12 min:** “Duna Nan un Bonbini!” Pregunta y contesta. Tene un demostracion cortico di dos parti. Prome, mustra con un publicador ta tuma iniciativa pa duna un bishitante bonbini, y ora e reunion caba, con e ta uza tacto pa wak un manera pa e sigui papia cu ne y cultiva su interes.

**18 min:** “Con pa Uza e Foyeto Ken Awe Ta Haci e Boluntad di Jehova?” Pregunta y contesta. Tene un demostracion di shete minuut den cua un publicador ta trata un di e lesnan cu un studiante di Bibbel.

Cantica 20 y Oracion

## Duna Nan un Bonbini!

<sup>1</sup> Tur aña e Memorial ta brinda nos un bon oportunidad pa duna testimonio. Pensa riba esaki: E aña aki, nos ta spera un asistencia di mas cu dies miyon bishitante na Memorial pa scucha tocante e dos expresionnan di amor di mas grandi cu a ser demostra mediante e rescate. (Juan 3:16; 15:13) Nan lo haya sa di e bendicionnan cu nan por ricibi pa medio di Jehova su provision. (Isa. 65:21-23) Pero no ta e ora-

1. Ki ocasion ta brinda nos un bon oportunidad pa duna testimonio, y dicon?

dor so lo duna testimonio na e ocasion aki. Nos tur lo haya oportunidad pa duna un bon testimonio ora nos extende un caluroso bonbini na e invitadonan.—Rom. 15:7.

<sup>2</sup> En bes di yega cay sinta, keda keto y warda e programa cuminsa, dicon no tuma iniciativa y cera conoci cu e bishitantan bandas di bo? E bishitantenan por ta un tiki nervioso, pasobra nan no sa kico ta bay pasa exactamente. Pues un sonrisa amigabel y un saludo cordial por laga nan sinti nan mes na cas. Pa haya sa si un persona a bin door cu el a haya un invitation, bo por puntr'e si ta prome biahá e ta bin un di nos reunionnan of si e conoce un miembro di e congregacion. Kisas bo por invit'e pa santa banda di bo, di manera cu e por wak hundo cu bo den bo Bibbel y buki di cantica. Si e Memorial ta na Salón di Reino, kisas bo por dun'e un tour cortico. Despues di e discurso, bis'e cu bo ta dispuesto pa contesta cualquier pregunta cu e por tin. Si bo congregacion tin cu sali lihe pa un otro congregacion por reuni, bo por puntr'e: “Con bo a haya e reunion? Tin un manera cu mi por tuma contacto cu bo?” Despues, traha un afspraak pa sigui papia cu ne un otro dia. Pa loke ta e publicadornan inactivo cu asisti, especialmente e ancianonan lo ta atento pa anima y yuda nan.

<sup>3</sup> Pa hopi bishitante, esaki lo ta e prome biahá cu nan ta bay experencia e goso, paz y union cu ta reina den e paradijs spiritual cu nos como e pueblo di Jehova ta disfruta di dje. (Sal. 29:11; Isa. 11:6-9; 65:13, 14) Ki impresion nan lo keda cu ne? Esey lo depende di quanto esfuerzo nos lo haci pa duna nan un bonbini.

2. Con nos por duna e bishitantenan un caluroso bonbini?

3. Dicon ta importante pa nos tuma iniciativa pa duna e bishitantenan na Memorial un bonbini?

# Con pa Uza e Foyeto Ken Awe Ta Haci e Boluntad di Jehova?


## El A Ser Prepara pa Dirigi Studiante di Bijbel na Nos Organisacion

<sup>1</sup> Bo a cuminsa uza e foyeto nobo *Ken Awe Ta Haci e Boluntad di Jehova?* Su meta ta (1) pa laga e studiante di Bijbel cera conoci cu nos, (2) pa yud'e haya sa mas di nos actividadnan y (3) pa lag'e mira con nos organisacion ta funciona. Como cu cada les di e foyeto *Boluntad di Jehova* ta riba un pagina, ta facil pa trata un les den 5 pa 10 minuut na fin di cada estudio.

<sup>2</sup> **Su Diseño:** Manera bo por a nota den e paragraf akiriba, e foyeto ta parti den tres seccion; cada un ta trata un aspecto di e organisacion di Jehova. E tema di cada un di 28 lesnan ta den forma di pregunta, y e subtemanan cu letter diki ta contesta e preguntanan ey. Tambe tin potret di mas cu 50 pais, pa asina duna e studiante un idea di e alcance internacional di nos obra. Varios les tin e cuadro "Bo Kier Sa Mas?", cu ta ofrece sugerencianan cu bo por anima bo studiantenan pa aplica.

<sup>3</sup> **Con Bo Por Uz'e?** Cuminsa na mustra e studiante e tema di e les cu ta den forma di pregunta. Despues, mientras cu boso ta lesa e paragrafnan, hala atencion na e subtemanan cu letter diki. Despues, trata e preguntanan di repaso na final di e pagina. Bo por

1. Cu ki tres meta a produci e foyeto *Boluntad di Jehova?*
2. Describi e diseño y caracteristicanan di e foyeto aki.
3. Con nos por uza e foyeto *Boluntad di Jehova?*



lesa e les completo, of, si bo ta prefe-  
ra, bo por trata e les paragraf pa para-  
grafof. Uza discernimento pa dicidi cua  
texto menciona bo ta lesa y no keda  
sin comenta riba e potretnan ni e cuad-  
ro "Bo Kier Sa Mas?" Den mayoria di  
caso ta sabi pa considera e lesnan den  
e secuencia cu nan ta aparece. Sinem-  
bargo, si un les ta trata un punto cu  
na e momento ey ta importante, bo  
por trata esaki sin niun problema. Por  
ehempel, si un asamblea of congreso  
ta na caminda, bo por bay na les 11.

<sup>4</sup> Ora nos ta studia Bijbel cu un per-  
sona, nos ta yud'e conoce nos Tata  
celestial. Pero nos tin cu siñ'e tam-  
be tocante e organisacion di Jehova.  
(Prov. 6:20) Nos ta masha contento cu  
nos tin e publicacion nobo aki cu por  
yuda nos haci esaki!

4. Dicon nos ta contento cu nos tin e  
publicacion nobo aki?

## **SIMAN DI 25 DI MAART**

Cantica 76 y Oracion

### **□ Estudio di Bijbel di Congregacion:**

/v cap. 7 §20-28 (30 min.)

### **□ Scol di Ministerio Teocratico:**

**Lesamento di Bijbel:** Lucas 4-6 (10 min.)

**Num. 1:** Lucas 4:22-39 (4 min. of menos)

**Num. 2:** Di Unda e Diferente Rasanan A Bin?—rs-S pag. 291 §1-4 (5 min.)

**Num. 3:** Ki Prueba Tin Cu Hesus A Resu-cita?—1 Cor. 15:3-7 (5 min.)

### **□ Reunion di Sirbishi:**

Cantica 111

**5 min:** Cuminsa un Estudio di Bijbel Riba e Prome Diasabra. Uza e sugerencia na pagina 8 pa demostra con por cuminsa un estudio di Bijbel riba e prome diasabra di april. Anima tur publicador pa participa.

**25 min:** “Con pa Uza e Foyeto *Dios Tin Bon Noticia pa Nos!*” Pregunta y contesta. Ora di considera paragraf 6, tene dos de-mostracion.

Cantica 97 y Oracion

## **Con pa Uza e Foyeto *Dios Tin Bon Noticia pa Nos!***


### **El A Ser Prepara pa Yuda Nos Haci Rebishita**

### **y Cuminsa Estudio di Bijbel**

<sup>1</sup> Nos a keda masha contento ora nos a ricibi na nos Congreso di Dis-tricto “Proteha Bo Curason!” un pu-blicacion nobo pa yuda nos haci rebishita y cuminsa estudio di Bijbel. E foyeto *Dios Tin Bon Noticia pa Nos!*, cu su lesnan cortico y al caso, ta reem-plaza e foyeto *Rekerí*. Ademas, nos por uza e foyeto aki pa cuminsa estudio di Bijbel na porta. Mientras e foyeto *Rekerí* ta enfoca riba normanan cris-tian cu por ta dificil pa un estudiante nobo acepta, e foyeto nobo aki ta en-foca riba e bon noticia cu tin den Bijbel.—Echo. 15:35.

<sup>2</sup> Dicon un foyeto nobo? Ruman-nan rond mundo a pidi pa algo sim-pel cu por lanta interes di un hende y dun'e gana di studia e buki *Bijbel Ta Siña*, nos publicacion principal pa es-

1. Ki publicacion nobo nos a ricibi na e Congreso di Districto “Proteha Bo Cura-son!” pa yuda nos haci rebishita y cuminsa estudio di Bijbel?
2. Dicon a produci e foyeto *Bon Noticia*?



tudio di Bijbel. Y hopi hende ta mas dispuesto pa studia Bijbel for di un fo-yeto cu for di un buki. Ademas, ta mas facil pa traduci un foyeto den un gran cantidad di idioma.

<sup>3</sup> **Su Diseño:** Mayoria di nos publi-cacionnan di estudio ta skirbi di tal

3. Kico ta haci e foyeto aki diferente for di otro publicacionnan di estudio?

manera cu un hende por lesa nan y comprende e berdad riba su mes. Pero e foyeto aki ta diferente; e persona interesa mester studi'e cu yudansa di *un maestro*. Pesey, ta bon pa ora nos ofrece e foyeto nos *trata* un of dos paragraf cu e persona. Como cu e paragrafnan ta cortico, por studi'e cu e persona na su porta di cas of na su trabou. Aunke lo ta bon pa cuminsa na e prome les, nos por cuminsa un estudio na cua les cu ta.

<sup>4</sup> Den hopi di nos publicacionnan, un persona por haya e contesta di e pregunta imprimi den e paragraf cu el a caba di lesa. Sinembargo, den e foyeto aki e contestanan ta principalmente den Bijbel. Mayoria di hende ta prefera di siña directamente for di Bijbel y no for di nos literatura. Ta pesey casi ningun di e textonan biblico menciona ta cita. E idea ta pa e estudiante lesa nan for di Bijbel y asina mira cu loke e ta siña ta bin for di Dios.—Isa. 54:13.

<sup>5</sup> E foyeto no ta splica tur e textonan tampoco. Dicon no? A hacie pa motiva e estudiante pa haci pregunta y pa laga e maestro uza su capacidad di siña. Pesey, ta importante pa prepara bon prome cu cada estudio. Pero tene cuenta si pa no papia hopi. Aunke como Testigo di Jehova nos gusta splica textonan biblico, ta mihor nos laga e estudiante splica kico el a comprende di un texto. Nos por uza preguntanan bon pensa pa yud'e yega na e contesta corecto.—Echo. 17:2.

4. Con e foyeto ta yuda nos siña e estudiante directamente for di Bijbel?
5. Dicon ta importante pa e maestro prepara bon prome cu cada estudio?

<sup>6</sup> Mescos cu otro publicacionnan di estudio, nos por ofrece e foyeto aki tur momento, maske e no ta e oferta di luna. Hopi publicador lo ta cla pa uza e foyeto aki pa cuminsa estudio di Bijbel na porta uzando e metodo directo. Ademas, manera nos a scucha na e congreso di districto, “e foyeto aki *di berdad* ta duna bo smaak di haci rebishita!”—Wak e cuadronan na pagina 5-7.

**7 Con pa Conduci e Estudio:** Nos por cuminsa na lesa e pregunta numera cu ta aparece cu letter diki y e paragrafnan corespondiente. Despues nos por busca den Bijbel e textonan menciona cu tin e palabra “lesa” nan dilanti y pa medio di pregunta trata na yuda e persona comprende e textonan aki. Anto, prome cu nos bay na e siguiente

6. Con nos por uza e foyeto: (a) caminda hende no ta kere den Dios of den Bijbel? (b) ora di predica di cas pa cas? (c) ora di ofrece un estudio di Bijbel uzando e metodo directo? (d) ora di haci rebishita?

7. Con nos por uza e foyeto pa studia cu un hende?

### **Pa Uza Caminda Hende No Ta Kere den Dios of den Bijbel:**

- Experiencia ta mustra cu den algun area hende no kier scucha ora nos uza palabranan manera “Dios” of “Bijbel.” Den e teritorionan ey ta mihor nos cuminsa papia riba cosnan cu ta preocupa e comunidad, manera e necesidad di un bon gobierno, unda famianan por haya yudansa practico y kico futuro lo trece cu ne. Nos por introduci e foyeto *Bon Noticia* despues cu nos a combersa varios biahia cu e persona y a mustre cu Dios ta existi y cu su Palabra ta confiabel.

seccion, nos por bolbe haci e pregunta cu letter diki pa haci sigur cu e persona a compronde e punto bon. Na e prome bishitanan ta mihor nos trata solamente un di e preguntanan cu letter diki. Cu tempo, nos por haci e estudio mas largo te ora nos por trata henter un les.

<sup>8</sup> E textonan menciona cu tin e palabra “lesa” nan dilanti ta esnan cu ta contesta e pregunta cu letter diki mas directamente. Ora nos ta bay lesa un

8. Con nos mester introduci e textonan biblico, y dicon?

texto biblico, nos mester evita di bisa “apostel Pablo a skirbi” of, “tuma nota di loke e profecia di Jeremias ta bisa”, ya cu e persona por pensa cu nos ta citando palabra di hende. Lo ta mihor pa bisa: “E Palabra di Dios ta bisa” of, “tuma nota kico Bijbel a profetisa.”

<sup>9</sup> Nos mester lesa *tur* e textonan menciona of *solamente* esnan cu tin e palabra “lesa” nan dilanti? Esey ta depende di circunstancia. Tur texto menciona t’ey pa un motibo. Cada un di

9. Nos mester lesa tur texto cu tin den e paragrafnan?

### **Pa Uza di Cas pa Cas:**

● “Hopi hende ta puntra nan mes kico Dios tin na mente pa futuro di humanidad. Lo mi kier mustra bo con facil bo por haya sa esey. Por ehempel, bo ta kere cu Dios lo libra nos di tur sufrimiento? [Permiti e persona contesta.] E foyeto aki ta yuda bo haya e contesta pa e pregunta ey den bo mes Bijbel. [Dun’e un foyeto, anto lesa tanto e prome paragraf di les 1 como Jeremias 29:11.] For di loke nos a caba di lesa, no ta bisto cu Dios kier pa nos tin un mihor futuro? [Permiti e persona contesta.] Bo por keda cu e foyeto. Anto otro biahia nos por trata e di dos paragraf pa haya e contesta cu Bijbel ta duna riba e pregunta: ‘Con Dios lo libra hende di tur loke ta causa sufrimento?’ Si e persona tin mas tempo, bo por lesa y trata e di dos paragraf y e tres textonan di Bijbel. Traha un afspraak pa trata e di dos pregunta di e les.

● “Hopi bes nos ta acerca Dios den oracion, specialmente ora nos tin problema, no ta berdad? [Permiti e persona contesta.] Bo ta kere cu Dios ta scucha *tur* oracion, of tin oracion cu ta

desagrad’e? [Permiti e persona contesta.] Mi tin un foyeto aki cu ta mustra unda den Bijbel nos por haya contesta pa e preguntanan ey. [Entreg’e un foyeto, y trata cu ne e prome paragraf di les 12 y e textonan cu tin e palabra “lesa” nan dilanti.] Bo no ta contento pa sa cu Dios kier pa nos acerc’e den oracion? Pero pa nos por disfruta plenamente di e privilegio aki, nos mester conoce Dios bon. [Bay na les 2 y mustr’e cada subtema.] Si bo kier, mi por laga e foyeto aki pa bo y na un otro ocasion nos por lesa e contestanan cu Bijbel ta duna riba e preguntanan interesante aki.”

● “Hopi hende ta puntra nan mes con lo para cu e mundo aki. Bo ta kere cu cos lo drecha algun dia? [Permiti e persona contesta.] Bo tabata sa cu den Bijbel tin bon noticia cu ta duna nos speransa? Wak algun pregunta cu Bijbel ta contesta.” Dun’e un foyeto y pidie scoge for di e ultimo pagina di e foyeto un pregunta cu ta interes’e. Despues bay na e les cu el a scoge y mustr’e con nos ta studia Bijbel cu hende. Traha un afspraak pa bo bolbe y trata e siguiente pregunta di e les.

nan tin informacion cu ta bale la pena pa trata. Pero, si e studiante no tin hopi tempo, no ta dje interesa ey of no ta lesa bon, kisas ta mihor pa nos busca solamente e textonan cu tin e palabra "lesa" nan dilanti.

**<sup>10</sup> Ki Ora Nos Por Pasa pa e Buki Bijbel Ta Siña?** Ora un persona ta studia regularmente, nos por opta pa pasa pa e buki *Bijbel Ta Siña* of sigui den e foyeto *Bon Noticia* te ora nos caba cu ne. Publicadornan por uza discernimento pa dicidi na ki momento ta bon pa haci e cambio. Ora nos pasa pa e buki *Bijbel Ta Siña*, nos mester cuminsa na e prome capitulo? No tin un regla pa esey ya cu cada studiante ta diferente. Sinembargo, lo ta bon pa e studiante repasa e mesun temanan atrobe, bayendo mas den detaye den e buki *Bijbel Ta Siña*.

10. Ki ora nos por pasa pa e buki *Bijbel Ta Siña*?

#### **Pa Uza cu e Metodo Directo:**

- “Mi ta di bishita pa mustra bo un curso nobo cu nos tin pa studia *Bijbel*. E foyeto aki tin 15 les cu ta mustra unda den *Bijbel* bo por haya contesta pa preguntanan masha importante. [Mustre'e e parti dilanti y e parti partras di e foyeto.] Abo a yega di purba componde *Bijbel*? [Permitie contesta.] Laga mi mustra bo con facil e lesnan ta. [Trata e prome paragraf di pregunta 3 di les 3, y lesa Revelacion 21:4, 5. Si ta posibel, trata e siguiente paragraf y e textonan pa “lesa.”] Si bo ta desea, bo por keda cu e foyeto aki. Nos ta anima bo pa bo purba sikiera un les. Si bo gusta, bo por sigui cu e curso. E proximo biahia nos por trata e prome les cu ta un pagina so.”

#### **Pa Uza Ora di Haci Rebishita:**

- Ora nos bolbe bishita un persona cu a mustra interes, nos por bis'e: “Mi ta contento di topa bo atrobe. Mi a trece e foyeto aki cu ta uza textonan di *Bijbel* pa contesta hopi pregunta interesante. [Dun'e un foyeto y pidie wak e ultimo pagina.] Cua di e topiconan aki bo ta haya mas interesante? [Permitie contesta. Despues bay na e les cu el a scoge.] Laga mi mustra bo con por uza e foyeto aki pa haya e contesta cu *Bijbel* ta duna riba e pregunta ey.” Pa demostra con nos ta studia *Bijbel* cu hende, trata un of dos paragraf y e textonan cu tin e palabra “lesa” nan dilanti. Bo ta wak con facil ta pa cuminsa un estudio! Laga e persona cu e foyeto y traha un afspraak pa bolbe. Ora bo caba di considera e les, laga e persona scoge un otro tema of cuminsa te dilanti.

<sup>11</sup> Den un mundo yen di mal noticia, nos tin e gran privilegio di declara e mihor noticia cu tin: E Reino di Dios ta goberna y pronto lo e trece un mundo nobo den cua husticia ta biba. (Mat. 24:14; 2 Ped. 3:13) Nos tin sigur cu hopi di esnan cu scucha e mensahe aki lo ta di acuerdo cu e palabranan inspira: ‘Ki bunita riba e seronan ta e pianan di esun cu ta trece bon noticia, cu ta anuncia paz y ta trece bon noticia di felicidad, cu ta anuncia salvacion y cu ta bisa Sion: “Bo Dios ta reina!”’ (Isa. 52:7) Laga nos haci bon uso di e foyeto aki pa hiba bon noticia di parti di Dios na hende cu tin sed spiritual.

11. Dicon nos mester haci bon uso di e foyeto aki?

## SIMAN DI 1 DI APRIL

Cantica 38 y Oracion

### □ Estudio di Bijbel di Congregacion:

Iv tema di e appendix cu ta cuminsa na pag. 215 y caba na pag. 218 (30 min.)

### □ Scol di Ministerio Teocratico:

**Lesamento di Bijbel:** Lucas 7:9 (10 min.)

**Num. 1:** Lucas 7:18-35 (4 min. of menos)

**Num. 2:** Ki Nacion Nobo A Nace na Pentecoste, y cu Ki Proposito?—Gal. 6:16; 1 Ped. 2:9 (5 min.)

**Num. 3:** Unda Cain A Haya Su Esposa?—w10-S 1/9 pag. 25 ta actualisa rs-S pag. 291 §5-pag. 292 §1 (5 min.)

### □ Reunion di Sirbishi:

Cantica 113

**10 min:** Algun Sugerencia pa Ofrece Revista den April. Discurso cu participacion. Splica den 30 pa 60 seconde dicon e hendenan den teritorio lo haya e revistanan aki interesante. Despues, pidi esnan presente sugerir ki pregunta asina por capta atencion di e hendenan y despues puntra ki texto nan por lesa relaciona cu e topico principal di *E Toren di Vigilancia*. Haci mescos cu e *¡Despertad!* y, si tempo permiti, inclui un otro articulo for di un di e revistanan. Tene un demostracion con pa ofrece cada revista.

**10 min:** Necesidad local.

**10 min:** Haci Bon Uzo di e Anuario 2013. Discurso cu participacion. Repasa e "Carta di Cuerpo Gobernante." Haci areglo di antemano pa algun ruman relata experencianan animante di e Anuario. Despues, pidi esnan presente pa comenta riba puntonan sobresaliente di e rapport mundial. Na conclusion, anima tur hende pa lesa henter e Anuario.

Cantica 75 y Oracion

## Anuncio

■ Oferta di literatura pa **maart y april:** *E Toren di Vigilancia* y *¡Despertad!* Ora di haci rebishita, introduci e buki *Bijbel Ta Siña* of, dependiendo di e necesidad di e persona, e foyeto *Scucha Dios* of *Scucha Dios y Biba pa Semper*, y purba cuminsa un estudio di Bijbel. **Mei y juni:** Uza e tratado *Bo Kier Haya Sa e Berdad?*

■ E Memorial di e año aki lo cay riba diamars 26 di maart. Si boso congregacion normalmente tin reunion riba diamars, mester cambia esaki pa un otro dia di siman si e Salon di Reino ta disponibel. Si esaki no ta posibel y boso no por tene e Reunion di Sirbishi, e coordinador di e cuerpo di anciano por incorpora e partinan cu ta particularmente aplicabel na boso congregacion den un otro Reunion di Sirbishi durante luna di maart. E congregacionnan cu tin bishita di e

superintendente di circuito mester cambia e reunion cu nan tin normalmente cu circuito riba diamars pa un otro dia den e siman ey.

■ Un ruman asigna pa e coordinador di e cuerpo di anciano mester controla e cuentanan di congregacion di luna di decembre, januari y februari.

## Algun Sugerencia

### Pa Cuminsa Estudio di Bijbel Riba e Prome Diasabra di April

"Nos ta animando nos prohimo pa lesa nan Bijbel. Pero hopi di nan ta haya cu Bijbel ta dificil pa comprende. Abo tambe ta haya cu ta asina? [Permiti e persona contesta.] Wak kico e revista aki ta bisa." Mustra e persona e articulo parti patras di *E Toren di Vigilancia* di 1 di april, trata e informacion di e prome pregunta y lesa maske ta un di e textonan. Ofrec'e e revista y traha un afspraak pa trata e siguiente pregunta.

### E TOREN DI VIGILANCIA 1 di April ANUNCIANDO EL REINO DE JEHOVA DIOS

"Nos tur tin problema pa trata cu ne. Pesey, algun hende ta puntra nan mes ta ki sentido bida tin. Kico abo ta pensa ta e obstaculo di mas grandi pa hiba un bida feliz awe? [Permiti e persona contesta.] Bijbel ta priminti cu pronto Dios lo caba cu tur nos problemanan. [Lesa Revelacion 21:4.] E revista aki ta papia tocante e futuro cu ta spera nos y tambe con nos por tin un bida cu proposito for di awor."

### ¡Despertad! ® April

"Violencia domestico ta un fenomeno mundial. Tin hende ta bisa cu loke ta contribui na esey ta un hende su cultura, su crianza y e entretenimento violento cu e ta wak. Kico abo ta pensa ta e causa principal di e problema aki? [Permiti e persona contesta.] Bijbel ta mustra con esposo y esposa mester trata otro. [Lesa Efesonan 5:33.] E revista aki ta analisa algun principio di Bijbel cu a salba hopi matrimonio."

### Logronan Sobresaliente di October

Isla	Pio. Spec.	Pio. Reg.	Pio. Aux.	Publ.	TOTAL
<b>Aruba</b>	6	56	26	812	900
<b>Boneiro</b>	5	5	5	94	109
<b>Corsou</b>	4	154	31	1.647	1.836

Boneiro tabatin un maximo nobo di 186 estudio, y Corsou un maximo nobo di 154 pionero regular.